

乾隆杭州府志

杭州府志卷四十一

水利

錢塘 仁和
海寧 富陽

錢塘縣

按錢塘郭外水江湖最大白江分疏爲河者二曰龍山河曰貼沙河自湖分洩爲河者亦二曰新河曰下湖河其貼沙河卽故稱運河新河卽故稱下湖也又有餘杭塘河自餘杭縣東流七十里抵江漲橋舊稱龍山二河防在江湖餘杭一河防在溪漲惟下湖則有利而無患今江塘鞏固龍山可以無虞而茗溪自餘杭縣奔注東逕安溪鳳口以趨德清化灣閘實爲要害前志謂下鄉

幾百里悉倚此閘以爲命蓋尤不可不加意者也

宋 天禧間胥致堯監杭州排岸司浚浙江龍山二閘廢

清湖堰以通漕杭人便之

歐陽文忠公集

天聖四年侍御史方某言杭州江湖衝坍水閘舟船阻滯

詔復脩治

咸淳志

蘇軾知杭州議自浙江上流地名石門並

山而東鑿爲漕河引浙江及谿谷諸水二十餘里以達于

江又並山爲岸不能十里以達龍山大慈浦自浦北折小

嶺鑿嶺六十五丈以達嶺東古河浚古河數里達于龍山

漕河以避浮山之險人以爲便奏聞有惡軾者力沮之功

以故不成

宋史本傳

乾道四年安撫周淙重修江濱渾水清水保安三閘仍奏

請置監官一員

咸淳志

淳熙六年築化灣塘以捍茗水

錢塘縣志

淳祐七年西湖水涸城內諸井亦竭京尹趙與憲給官錢

米命工自錢塘尉廨北鑿渠引天目山水自餘杭河經張

家渡河口達于溜水橋陡門凡作數壩用車運水迎注西

湖水口流通城中諸市民賴其利也

夢梁錄

元至大元年浙江省令史裴堅言杭州錢塘江近年以

來爲沙塗壅漲潮水遠去離北岸十五里舟楫不能到岸

商旅往來募夫搬運十七八里使諸物翔湧生民失所遞

運官物甚爲煩擾訪問宋時並江岸有南北古河一道名龍山河今浙江亭南至龍山牘約一十五里糞壤填塞兩岸居民侵占迹其形勢宜改修運河開掘沙土對牘搬載直抵浙江轉入兩處市河免擔負之勞生民獲惠省下杭州路相視錢塘縣城南上隅龍山河至橫河橋委係舊河居民侵占起建房屋若疏治以接運河公私大便計工十五萬七千五百六十六日役夫五千二百五十二度可三十日畢所役夫于本路錄事司仁和錢塘縣富實之家差倩就持筐擔鋤鏹應役人日支官糧二升該米一千一百五十石零河長九里三百六十二步造石橋八立上下二

牘計用鈔一百六十三錠二十三兩零省準咨請丞相脫
脫總治其事于延祐三年三月七日興工至四月十八日

工畢

元史河渠志

至大四年哈喇托克托爲浙江行省左丞下車初進父老
問民間利病咸謂杭城舊有便河通江滸湮廢已久若濬
復以通舟楫物價必平僚佐或難之托克托曰陛辭之日
許以便宜行事民以爲便行之可也俄詔禁興土功托克
托曰敬天莫先勤民民受其利則災沴自消土功何尤焉
至一月河成

續通鑑綱目

托克托丞相在浙知客商過錢塘江

往來不便乃欲開田河卽吳越古河也相視既定州縣與

豪富交通沮以太歲之說至日公自特鑲一揮而定之往
年行李一擔費腳價二兩五錢至是一擔之費買舟可載
十擔其便民之利溥矣

山居新語

至正六年托克托子達實特穆爾爲行省平章復疏之

成化舊志

明 洪武七年濬龍山河開鳳山水門外舊有河道宋以
逼內禁舟楫不得行歲久湮塞元延祐時脫脫濬治建閘
是年蔡政徐本等拓廣一十丈濬深二尺仍置閘如舊

萬歷

舊志

永樂間砮水橫決化灣塘闢圯淹沒人民朝遣戶部尚書
夏原吉通政使趙岳來浙勘督修築三年而後告成迨正

統十年復圯遣工部侍郎周經來浙勸支倉米七千七百

石南關廠木三千株築治如故

錢塘縣志

嘉靖庚寅工部汪大受來蒞樵事于貼沙河疏湮淤歸侵

軼悉復舊蹟

顧璘修河事畧

汪大受重開貼沙河記惟

而隘甚舟筏鱗集惟筏行最遲爲舟礙民苦之商亦病焉
歲庚寅四月既望余銜命蒞杭樵事悉其弊思以疏之弗
得計一日間道江濱之地見有黥黥汗渠若可邇而尋者
問之故老曰茲故貼沙河也孰關而湮世遠弗聞予集商
于庭告之以財力無從出惟爾商鳩金予擇人以司之共
成此功僉應曰諾遂與水利憲伯蔡公時議之既克協復
謀諸總鎮憲巡暨藩臬諸公皆樂贊成乃復令商曰濬河
之役興不踰時而商所出金數其各視木數多寡傭值是
資宜備于預越旬日二百餘金以具就命商程本祥王恭
曹文修胡文祐掌籍之又募徒告之曰若受值以土丈尺
計勤怠吾弗稽也其各度爲力分土以授皆如約乃詎古
舉工命錢塘縣丞岳溥仁和縣簿曹官董之予則間日以

視相度其宜開土爲渠疏濬爲深引曲爲直削廉角壯隄岸自九月八日始事十二月望日訖工始江陽寺終絡家跳計七百八十有四丈而遙兩岸相去計三丈至五丈有奇而廣爲人工以日計者凡一萬五千有奇爲費金以兩計者凡四百有奇爲橋四以利涉規制以備筏可大行視前河益利商盡悅舟人亦樂其無壅子乃卜日報成事焉萬歷戊申五月化灣塘決邑令聶心湯先築備塘旋築隄修閘已酉八月大水衝壞仍修之

浙江通志

國朝

康熙九年布政使袁一相檄縣重修化灣塘閘

浙江通志二

十四年巡撫趙士麟重濬龍山河

大清一統志

四十七年浙

江布政司將奉

旨着動正項錢糧疏濬支河港蕩造冊詳報內開錢塘縣開濬桃花港長四百丈濶二丈四尺開深五尺正隆橋起至銀盤

橋止長一百六十八丈六尺寬二丈零開深五尺永興圩
起至豐樂橋止長一百丈零八尺寬一丈三尺五寸開深
五尺賣魚橋起至觀音橋內止長一百四十丈寬三丈三
尺七寸零開深四尺八字橋起至教場橋外止長五百八
十丈寬二丈二尺五寸開深四尺

西湖志

雍正五年總督李衛委員動帑修築壓沙溪塘五十八丈
又動帑修清湖三閘

浙江通志

七年總督李衛重建烏麻陡門

閘并設看守閘夫二名以時啟閉

西湖志

十年總督程元章

檄知縣李惺查議化灣陡門事宜先是雍正三年陡門土
陷一丈五尺崇化七里居民出貲脩築議合優免雜使差

徭浙江通志李惺化灣陡門間議看得天目東西兩山
而下時虞汎濫流害于杭嘉湖三大江東屬臨安山水直瀉
間以蓄洩之而化灣陡門間尤爲險要創始于宋明嘉靖
間兩遣郵部大臣夏原吉等來浙修築萬歷間邑令聶心
湯重修撥其所以數致傾圯之由皆緣山水驟發勢甚洶
湧同夫報縣申府轉詳勘估需時每致小隙未補即成大
潰是以責成崇化鄉七里附近居民以承歲修之役遇少
有坍塌即行堵塞設水大莫禦仍議動帑興修故自康熙
九年間前藩憲袁一相募修之後數十年來俱籍民力堵
築不煩公帑而間得無恙惟是七里居民身鉅役宜加
恩卹除完條漕正供外免其雜使差徭循例已久于雍正
四年里民呈請勒石以垂永久擬
合詳請卽令永遠遵循保固可也

錢塘西南如安吉長壽定山之南北鄉其民以負薪織履
爲業田功不修災荒無備龍山荆山西溪地宜多堰人力
靡齊白露一溪爲形頗高旱不通舟今揆其利害安吉諸

鄉築塘爲急龍門諸鄉置堰爲要而旁近白露溪諸有田之家能協衷通力濬淺流而深之則運道旣通灌溉亦利矣其西北如崇化靈芝孝女等地水源天日迫近險塘俾或潰決非特本邑受敝而波流橫溢害延蘇湖嘉靖三十六年往事可鑒也爲今要圖橫濮上壩等塘宜在培增高厚以保障西北一方所不可稍緩者也其在東北則鳳口之防與仁和相爲唇齒統宜周事俾主守得人閘板堅厚啟閉以時則溪足以灌河而不爲河患矣

萬歷舊志

統錢塘疆

里而四分之市居者一山居者一鄉居者二山無田市無農上下鄉稍治農時和年登亦僅給本鄉而止矧上鄉負

山溯江地高而瘠恒苦旱下鄉當若水下流窪而鹵恒苦
潦戊申夏五大雨月餘南湖既決太湖不洩欽賢履泰滙
爲巨浸余親詣其處審蓄洩之宜乃知佃南湖者餘杭數
十人之利溶南湖者餘杭十六里錢塘四十里之利且非
獨二邑也水經苕溪必滙具區觀察陳公所稱錢塘喉吳
興腹不朽論也敢私識之

萬歷錢塘縣志

定南諸鄉山居巖處有

溪水而無河欽賢靈芝皆近河農夫以田爲業頗資灌溉

而近岸之地多蒔桑間種雜蔬一歲中兩次挑取河旁淤

濁以培桑土謂之屏泥故地日高桑益肥而河日以深公

私便之

梁允植錢塘續志

錢塘地形高苦磽瘠卑苦窪下前詰論

之詳矣康熙庚戌間西北諸鄉當苕溪衝者悉爲巨浸數月水瀦不退民匪徒無食兼苦無居其黃渚等塘及鳳口陡門修築啟閉之法可不講乎然治錢塘水患不自錢塘治之也天日諸水經餘杭灑具區趨吳淞以入海餘杭南湖常浚則有以留其勢而水不至奔潰吳淞劉河常通則有以速其歸而水不至停蓄前撫范公開濬南湖經畫已有次第會陞任不果終事蘇撫慕公疏通劉河三吳賴之錢塘亦蒙福焉夫興除一隅之利弊而惠及數郡邑此仁人所急圖也又寧有畛域之見存哉

舊志

塘閘

餘杭塘

在城北二畝東起賣魚橋西與餘杭相接

浙江通志

西塘

宦河塘西又有一塘曰西塘袤十八里抵安溪通

四安驛路

咸淳志

黃渢塘

在靈芝五畝崇化八畝地方

舊志下並同

下新塘

亦在靈芝崇化地方南與黃渢塘相接

上墟塘

在西南二畝與下新塘相接

陵林塘

在女南三畝西與上墟塘相接

楊山塘

在女南四畝西與陵林塘相接

龍岡塘

在女南五畝洪水衝決數十丈康熙五十五年

知縣魏嶸修築

浙江通志並同

壓沙溪塘 在五都五畝瓶窑地方

清水閘 在候潮門外城南下隅一畝南接渾水閘錢塘縣志

下並同

渾水閘 在下隅二畝蕭公橋南南接跨浦閘

跨浦閘 在下隅跨浦橋下南接龍山閘

龍山上下二閘 在柵外三畝浙江驛前龍山口舊志

按咸淳志云龍山渾水閘清水閘並在龍山浙江渾水

閘清水閘並在便門前慶梁錄所載亦同蓋當時龍山

二閘亦有渾水清水之稱

清湖上閘 在武林門外二里浙江通志下並同

清湖中閘 在武林門外三里

清湖下閘 在武林門外五里 三閘洩城中諸河之水

自東而北轉達東新橋德勝壩爲下塘河

西湖遊覽志

陡門閘 在定北鄉久廢明時居民葛廷祿重建灌田數

十頃又有韓家閘廢

浙江通志

安溪陡門閘 在女南一畝北對安溪鎮康熙五十五年

大水衝圯知縣魏嶠修築

錢塘縣志

按咸淳志但稱安溪陡門浙江通志作烏麻陡門閘

化灣陡門閘 在崇化七都一畝北接上墟塘爲茗溪下

流

浙江通志

田圩

錢塘縣田凡四百二十六圩統之五區

萬歷舊志

田圩創自前

代莫詳所始有岸有塍有壩有車闕岸捍圩外以障河水
漫入塍界田間俾高低有分壩通田心水道遇暴漲則慎
防而疏洩之車闕附岸以便車灌焉惟圩岸旣固高低界
分田之水溢則車出注河乾則開闕車入而車出則自低
至高車入則從高及下雖有旱乾水溢無不救之田矣元
置都水庸田使司專一修築圩岸疏浚河道尋罷復立都
水監置勸農官洪武十七等年工部差官修築永樂元年
浙西大水朝廷特差戶部尚書夏原吉督治水患明年又

差通政司左通政趙居宸至浙添設治農官置圩長興修水利修築圩岸栽種桑柳以固岸址居宸廉簡剛明盡心所事巡行阡陌泊宿州渚民間利病周悉上下莫得欺隱功成堅久民至今猶享其利也

成化舊志

按田圩之制諸縣皆同明時每區各設耆老數人掌之成化萬歷二志列圩名綦詳今已因時就宜不盡如舊惟存其大畧而已

仁和縣

按仁和諸水沙河最居上游河舊有三今前沙河淤外沙後沙通爲一河繞城而北注於泛洋湖匯城內菜市

河水一支東分爲蔡官人塘河其經流東北直達海寧
爲上塘河南宋爲運道舊志亦稱運河自上塘而東分
爲赤岸施何方興三河方興之南瀦流滙爲臨平湖其
泛洋湖西北一派由德勝閘至江漲橋與子塘河合北
接北關運河明以來亦稱下塘河自下塘東分爲東小
河西出爲宦塘河奉口河北仁和縣水道之源委也沙
河高于上塘約八九尺上塘高于下塘亦然而沙河所
經地灌田無幾亦無勢防捍唯上下塘河稍稱多故歷
代於此恒致意焉

唐

咸通二年刺史崔彥曾開沙河

王海

宋 熙寧五年蘇軾在杭州通判任初冬督開湯村運鹽

河蘇詩補注年譜時盧秉提舉鹽事擘畫開運鹽河差夫千餘人

軾于大雨中部役其河只爲般鹽旣非農事而役農民秋田未了有妨農事又其河中間有涌沙數里軾宣言開得不便自嗟泥雨勞苦作詩以諷謂不當以運鹽河妨農事

也

烏臺詩案

政和元年郡守張閣標識沙河塘處近南築壩頭

咸淳志

二

年七月尚書張閔言臣昨守杭州聞錢塘江比年自海門回薄巖門白石一帶北岸壞民田及鹽亭監地距赤岸隄口止二十里運河正出臨平下塘西入蘇秀若失障禦恐

他日數十里膏腴平陸盡潰于江下塘田廬莫能自保運

河中絕有害漕運詔亟修築之

宋史河渠志

紹興十四年水壞臨平塘岸版築不就禱于白龍潭重立

廟乃成

咸淳志

淳熙七年守臣吳淵言萬松嶺兩旁古渠多被權勢及百

司公吏之家造屋侵占及內砦前石橋都亭驛橋南北河

道居民多拋糞土瓦礫以致填塞流水不通今欲分委兩

通判監督地分廂巡逐時檢點勿令侵占并拋颺糞土秩

滿若不淤塞各減一年磨勘違展一年以示勸懲

宋史河渠志

慶元元年十一月重修臨平石筧景定三年九月又修臨

平石笕

臨平記

嘉定八年臨平塘隄決知仁和縣趙希言督役親捧土投

石兵民爭奮堤成因築重隄後不復決詳宋史宗室傳

郭北

三山志

紹定己丑邑士范武倡義役築塘古鼎湖旁歲無水患邑

宰范光命名曰永和隄

咸淳志許應龍永和隄記運河有塘衣帶浙水綿亘千餘里關提

封者六州帶主管者十縣仁和首當其一郵遞輦運億億

旁午惟永和隄阻鼎湖自龍潭之險卯風湍流貧久不援是豈

一有綫溜則膏腴數百頃瞬刻就浸緊欲經久不援是豈

一目一人之力哉邑有范任二君倡為義役乃悉心討究

謂土力屢潰難成也于是率眾僦工築以石椿以松迄成

二百五十丈為錢數千緡范君為費獨當什伍董視稿資

尤詳焉傍築道茂菴給伏臘俾早晏巡徼事無遺慮整如

也肇始于紹定己丑之春成于是歲良月之望民間會無

勞動之苦公家坐收興築之利談何易哉隄成請記顛末
予嘉其賢勞且諗之對曰自令之來我邑也無橫斂暴賦
以蠹民由是吏日貧而民日富既有餘財矣無深刑酷法
以戕民由是役益減而生益繁既有餘力矣及今閒暇率
就斯役用答令德故輸財而不知費盡瘁而不憚勞令不
我強也余亦欣然而思以為雖令不從與不賞而勸者抑
豈無故哉今范令光以儒道字民最再課矣始終無擾與
民相安宜其一鄉之善如范君學論武在君學錄安世教
然以身任其勞也吁佚道使民雖勞不怨凡領民社寄者
何在不然豈直仁和之長獨擅其美永和之士勇于為義
耶

元至元三十年增修臨平石笕大德元年十二月重修

臨平
記

明洪武二年建永昌壩三年建猪圈壩五年建會安壩

德勝壩

浙江
通志

永樂五年修杭州府錢塘仁和隄岸

明史河渠志

天順元年春正月杭州府知府胡濬興治水利

萬歷舊志

運河

塘自仁和德勝橋東抵海寧城百有餘里兩縣田土水利俱賴于此歲久河底沙壅漸高而隔塘諸覓低入河底每爲走洩天稍無雨水卽涸竭天順間知府胡濬以父老郎遲言躬同知縣周博計量近河一帶民田多寡起夫開濬相度覓門太低者重令砌高其下檢水開圯者重修之令民不以時啟閉致耗運河水利者有罰由是乾旱獲利舟行通便時又于官塘一帶重修陡門開五千小林重建大閘溉田數千

成化舊志

四年肇元鄉人陸璿倡率居鄰改周家

壩爲石閘視水盈縮以瀦洩之田四萬畝畸無乾澇之憂
工料之費瑣獨當其七八成化七年又改木塘壩如之田
受其利者二萬畝畸嘉靖仁
和縣志

嘉靖十三年按察僉事朱子和命生員郎瑛志杭州水利

議將成而朱去

仁和縣志
通大湖南阻

郎瑛水利序仁邑東接海北

注焉非通之以河直之以塘改閘之以寬堰陡門則盈縮
無防旱潦無賴欲民奠居粒食不可得矣故河有上下二
塘水之經也有洶溪洪港江漸河流支分派別水之緯也
經緯列然後濬導之功可以循序而施上塘河在縣之東
北過雋驥臨平抵于長安達于崇德之界東瀆于華家池
入于臨平廻繞于海寧然塘高水淺僅通舟楫是雖稍可
溉田若值小旱則浜港先涸田卽被災舟楫亦阻非濬治
極深蓄水待需不可且必修西湖故道以時啟閉其間所
謂央西湖寸水可以灌上塘五十餘頃者信不誣也下塘
在縣之東北洩上塘之水西受錢湖之流歷五林塘樓會

于崇德北達漕河故曰新開運河西北達于德清四安歸
于太湖其奈阻之以山水折而弗前地勢又卑所防者潦
也若奉口若唐渾皆受天目諸山之水少有崩圯濫及圩
岸涸涸溢流萬頃一壑故時以患里目之又如上塘之鼎
湖夾白龍潭之陰下塘三里漾十二里漾之風濤所係不
細荷圩堰有一線溜則千百頃田瞬息就浸以故設堰三
曰馬家曰金家曰吳家設陡門七在上塘者四曰德勝曰
萬興曰平曰小林在下塘者三曰奉口曰勞家曰曹涇
皆以蓄以洩厥用以時不使泥涸在小林者則又洩其流
于白洋石曰二笕以溉下塘高阜之田利最溥也蓋下塘
既卑而高田不可以車灌非此則千頃之田常爲枯槁設
道亦七日舊報曰李王塘曰金家曰石目舖曰曹家曰白
洋曰馬家皆若小林之利用而又置檢水閘以節上流高
卑布置制亦周密第欲隄防于無事之先修築于將患之
際詢濇規而循故道以追神禹之法亦存乎人焉爾已

崇正十四年大旱諸閘笕俱高不能洩水當事議夫運河
底石洩水至下河可救田數十頃比洩水後石縫不能合

多方彌綸水終漏下里人陶子昂獻策截運河兩邊水屏

乾以猪肝雜瓦灰搗爛合石縫不半日而石底如故至今

猶堅固也

浙江通志

十七年臨平湖洞海寧徐伯徵議開濬而

難于貯泥里人沈謙勸其用東坡濬西湖法取土築隄漸

次興復四閘及東江橋故道會世亂不克施功

舊志

國朝 康熙十年士民郭定生等以臨平陡門閘自明季爲土

豪佃據阻塞呈明督撫劉公兆麒范公承謨命開濬修築

得以如舊上下塘均受其益

仁和縣志

邑人施國賢募修運河

上塘共五千餘丈工程甚鉅凡遇水缺皆側立石板作方

斗惜納土不實旋就傾圯

舊志

陳芳生上塘河工議仁和田土有上下塘之分而旱潦

本朝

因之異焉下塘苦潦患在下流之不速欲下流之速者當合嘉湖蘇松以爲功上塘之恃以爲隄防者東新關至長安一塘自半山以下石脚堅固不患坍損自金家堰以上漸見低狹由李王塘而上有傅家庄有阜亭岡有沈塘灣王家缺等處緯路全無溜潦之時上水與下水相接及至旱乾始見塘址而已塘愈毀則河愈淺河愈淺則蓄水益少長夏之際四五十日不雨亦天道之常以別地視之似未可言旱而上塘畧一車戽河底卽爲龜坼此上塘苦旱之情形固不待乎果旱也故明萬歷時人猶有存者常言自初力田三四十一年間曾未憂旱而

本朝四十年來河底成陸者已六見順治甲午一年康熙自十年至二十年間凡五見可見塘路之壞至今益甚使再遲數年不知當更何如大約塘之所以壞者其故有四其一爲坐里之偏累仁和定例每貼塘閘分派修圖內塘路其塘近山有石脚者永無坍損其近夾河或近下河者塘身單薄無年不壞無年不修其值年之人亦知爲年年不得修之工只求免目前以了故事曾無所謂經久之圖而其所費每年已數十金或至百金矣積年彌久塘身彌壞今并塘路故址淪沒水中將與河底相平原砌石塊侵盜

皇師

畧盡則其爲工豈一二箇里苟且塞責者所能從事哉其一爲鄉人之淺見元人取宋兵自此塘而上

臨平赤岸而此路以有碍師行乃得安堵附塘居民方以塘之盡廢爲幸而取復言修築乎其爲富豪之分水利明萬里間有富人附塘開私河數里繫塘引水下灌低田數十頃初時築塘架橋石砌堅固視上水之高低爲插版之啟閉于彼有全利而于塘之蓄洩無少害也經久不修塘遂大壞始之爲上河閉隔以蓄水者今任水之從私河下洩而無所阻遏及上河已乾而彼之畝引如故田之膏腴至今無恙河遂陰受其害而不知其一爲奸人之私決上水驟決則下水之魚必逆乘而上春夏驟漲之時畧一挖損上水怒瀉直可引太湖大魚而網之小人貪昧罔顧大利害則亦何所不至故阜亭決口屢不能塞而鄉人且以爲鬼怪于其間則真大惑已愚切謂修塘之責不當專之于民而當屬之于官上塘之水專爲上塘之利自東新關至李王塘止清量塘段丈尺估度工價凡上塘每里派辦塘工銀幾兩分三年與地丁銀兩并徵在官有司當水淺之時計丈分工僱民修築期于堅久而不期于速成取河之土以附塘塘益高則河身益寬塘成之後每年仍計

畝加稅釐許積貯以爲開濬修築之用而上塘所有漁戶則令逐年輪掌如向時派里修塘故事每當水長有司輕舟巡視其水平隄者籍其地段丈尺督令培土下次巡視亦如之向者必俟塘之既壞而後修之其費重今隨其低處卽令培土是雖無年不修而所費亦省塘益堅完其逐年計畝加稅則每當水涸農暇僱民開浚視全河之淺深塘身之厚薄爲有司考成殿最誠如是則上與下各有其責無敢戲淪從事而用民以漸民力不至于匱所利之溥豈特爲上塘數十里耕種之民計久遠已哉或謂取諸民必不給宜徵之鹽木諸商則易取盈彼旣與民同其利自宜與民分其任其間勇于爲義者固多有人然非四十七司鹽司權者爲之鼓舞作興之有司恐未能問也

年浙江布政司將奉

旨着動正頂錢糧疏濬支河造冊詳報內開仁和縣開濬登雲橋起至戚家橋止長三百八十丈寬三丈四尺五寸開深四尺柴公橋起至南石橋內張家浜止長一百二十丈寬三

丈七尺五寸開深五尺杜子橋起至北石橋內止長三百四十丈寬四丈五尺開深五尺石灰橋起至禮佛橋內謝家浜止長一百七十丈寬一丈五尺開深五尺義橋起至泊平寺內河港口止長一百八十丈寬三丈七尺五寸開深四尺五杭橋東太平橋港內長一百一十五丈二尺寬二丈七尺開深五尺

西湖志

雍正二年二月

詔興浙江西湖水利督撫覺羅滿保黃叔琳題

臣

等會看得仁和

錢塘海寧三縣田畝全藉上下兩塘河水灌溉而兩河之水源則自西湖所流注者唐臣白居易所謂放湖水一寸

可溉田四十五頃每一復時可溉五十頃者此也然西湖之所以灌溉利溥亦由上塘五十里外臨平鎮之西南有東湖卽古臨平湖以爲之停蓄故其來也有源其去也有歸含泓蘊蓄而無涸竭之患無汎濫之虞則西湖與上河東湖其利害實相爲表裏者矣自明季來各閘廢壞而沙土多淤繼且并其淤者而聽仞于民則山與湖隔絕而西湖之源不能充裕上河淤淺東湖壅塞則水無容納而西湖之流不能停蓄源流旣損而湖利遂微今將西湖挑濬城內之河亦相其淺處酌開其上塘河由省城直達海寧凡一百二十里沿河民田地蕩數千頃各有閘壩旱則閉

以蓄水湧則開以分入下塘實爲河之下流今河身支港亦多淤塞則下流不暢不能引湖水而注之仁海但地方甚爲寬廣應責成沿河各縣勸諭有產沾利之家趁冬成農隙業主出給口糧佃戶以身作工漸次開濬民分其任官董其成但加督率而不出胥役經手則衆擎易舉工可速成矣若東湖爲仁和海寧二縣分轄考之于志仁和載周圍十里海寧載東西八里南北九里有奇旁有四閘古爲蓄蓄灌田之備又白居易石函記云自錢塘至鹽官界應溉夾河官田須放西湖水入河從河入田西湖不足則決臨平湖添注官河又酈道元水經注云靈隱山下有錢

塘故縣縣側有明聖湖又合臨平湖經槎瀆而注于海合之諸說則東湖實西湖蓄水之地而上塘車戽之源利益實屬相侔但自宋代以來從無議及開濬者臣等會勘湖址僅存六百餘畝雖有湖形竟同陸地沿河盡爲魚蕩田園清理既難工程復大非一時可以並舉之事應俟西湖完工之日再爲確議具奏五年二月欽奉動用庫銀令小民就近傭工

上諭巡撫李衛等欽遵察勘以原題疏內外應行修濬之處次第奉行是以上下兩塘河支河港汊堰埭橋梁靡不修舉堅固疏濬深通

西湖志

五年巡撫李衛委杭防同知馬日炳開

濬上塘河自艮山門外施家橋起施家堰止計七千七百九十九丈七年動給帑銀一千三百有奇委員開奉口河又動給帑銀四百兩委員修大雲灣塘又委知縣董怡曾修清涼閘

浙江通志

乾隆三十二年巡撫熊學鵬準仁和縣士民之請挑浚上塘各支河港汊里民隨段自出資力官董其成自打鐵關至笕橋委署主簿顧錫圭董理自劉墳村黃村等處至赤岸委唐棲巡檢高芝董理自赤岸村至臨平委臨平務李口董理並以塘岸堰閘修築不致上塘水驟洩下塘現今

四鄉足水溉運兩便

案稿

仁和河渠大者曰上塘曰下塘下塘之水仰視上塘其高下或相去七八尺蓋總繫一塘爲利害而上塘諸圩之田雖藉河水爲命脉邇數十年來塘岸淺薄一值水溢卽有盜決之患長流百十里數日可以徒涉究其故蓋緣近塘畜魚諸戶懼水溢則魚逸一也渡子藉以邀利二也三老儕類乘役夫修築之頃得相比爲奸三也以故歲數崩潰而通塘土石駁就減損視昔年五馬並駕之途不啻失半矣是以上恒苦旱下恒苦潦其爲一方之患害匪細也往昔所置七笕四閘取以洩水然笕底過深漏卮易盡閘門太狹橫流致阻宜導之法似尚未周謂宜自沈塘灣迤北

至長安壩相度便形更置大閘十所擬議水則中立滾壩
俾水溢則行踰則止如此則盜決之謀旣以默杜而且分
里授儲增築塘岸務行堅厚行見上塘數十里內俱成沃
土卽恒賜無憂誠百世利也

萬歷舊志

考舊志壩閘堰寬之在

臨平者凡十有二先賢之司蓄洩以備旱潦者甚至謙以
爲此非但猷猷溝洫之計臨平去海甚邇亦虞其旦夕衝
決民有淪溺之患耳今鎮南一望沙草接天諸壩閘故道
或就迷失誠恐海徙不常分殺無所則曲突之謀可不豫

哉

臨平記

塘堰壩閘寬

沙河塘 在錢塘縣舊治南五里 咸淳志

按此承唐地理志舊文也宋以後屬仁和縣

謝家塘 在菜市門外一里 咸化舊志

走馬塘 在艮山菜市門外平坦可馳馬故名舊有花柳

號城東新路 咸淳志

五里塘 在艮山門外尉司衙側 夢梁錄

蔡官人塘 在艮山門東 萬歷舊志

沈家塘 在北關外又名沈家灣 夢梁錄

李王塘 在東新關外 西湖志

永和塘 在永和鄉地接古鼎湖白龍潭俗謂之三里險

咸淳志

大雲寺灣塘 在五都二畝

浙江通志

裏沙河堰 在餘杭門外仁和橋東

咸淳志

上堰 在天宗門外

萬歷舊志下同

下堰 在餘杭橋側

姚家堰 在東新關東

西湖志

雋家堰 在沈塘東去城北一十八里

咸化舊志下同

金家堰 在阜亭舖東去城北二十五里

水達堰 在桐扣山下分運河水東入爲施何村河

咸淳志

按此堰舊志不載唯趙氏縣志有黃家堰云在桐扣西

二里疑卽此

湯家堰 在臨平西北十里

浙江通志

按湯家堰爲進佛日所經屬臨平之西南北字疑訛

梅潭堰

在臨平鎮中舊名梅潭壩萬歷志作海潭壩

仁縣志

縣志

費仁堰

在臨平鎮東蓮花舖左

成化舊志

俗稱費兒堰

仁縣志

吳家堰

在永和隄之旁

嘉靖仁縣志

施家堰

在臨平鎮東四里舊名施家壩

浙江通志

永昌壩

在城東永昌門外南通錢塘江

嘉靖仁縣志

會安壩

在艮山門外

成化舊志

俞家壩 在艮山門外清涼閣側外沙後沙二河舊原有

一壩子橫截爲別元末因移城而廢水勢高下無所節限

明初乃設會安俞家兩壩一以界其北流一以界其東流

前志俱祇載會安不載俞家是闕失也

艮山雜志

德勝壩 在城東北五里夾城巷內

萬厯舊志下同

石灰壩 在德勝橋

豬圈壩 在武林門外陸家場

嘉靖仁和县志

明洪武三年建豬

圈壩設有壩官一員宏治十八年八月裁革見明孝宗實

錄趙氏縣志謂有諸姓者善于拳搏後折節好義創爲此

壩因名諸拳俗以音訛爲豬圈壩蓋輕信流俗妄談之過

艮山
雜志

雋堰壩

在沈塘灣東去城東北二十五里

萬歷
舊志

周家壩

木塘壩

並在東南區肇元鄉隄防朱莊繫牛

等一十三圩舊皆築土爲之屢壞屢葺天順間里人先以

周家改石開成化十年又改木塘如之

成化
舊志

諸家壩

在吳下村

嘉靖仁
和縣志

車前壩

近餘慶橋

萬歷舊
志下同

宅前壩

近北橋

毛家壩

八道壩

俱近超山

嘉靖仁
和縣志

胡家壩

在施家堰東五里

仁和
縣志

葉家壩

在戴家橋北

萬歷舊志下同

范家壩

薛家壩

戴家壩

俱在東北區

清涼閘

柳林閘

皆在艮山門外

嘉靖仁和縣志

德勝閘

在德勝壩

萬歷舊志

南陡門閘

去城北一里

嘉靖仁和縣志下同

北陡門閘

去城北二里

石陡門閘

在大佛菴東

姚陡門閘

在石陡門橋東

按二閘久廢今有圯橋存

雋堰閘

在雋堰壩

舊志

皋亭閘

在二都八箇九箇交界

仁和縣志下同

小林閘

一名元鎮閘在小林

小林大閘

在十五都十七都東西界間莫詳所自始以

運河高田不與下塘河接旱無車灌置此蓄洩隔塘白洋

石目二窰下流其爲下塘高田之利最溥

成化舊志

臨平閘

在臨平鎮中卽臨平陡門閘

仁和縣志

潘公閘

在臨平鎮東龍興橋西

浙江通志下同

婆娑閘

在吳家堰東

臨平湖四閘

在臨平鎮南五里半屬仁和半屬海寧

仁和

縣志

雋堰西笕 李王塘笕 金家堰笕 白洋笕 石目鋪

笕 馮家堰 俱在運河官塘一帶莫詳所始以塘下高

田旱無車灌置此諸笕由隔塘洩運河水溉之而于笕下

又各置檢水閘以節上流

成化舊志

河底石笕 在臨平鎮西西茅橋甃石于運河之下以洩

曹家渠水暗注下河

仁和縣志

田圩

仁和縣田凡六百八十五圩總之四總每總四區惟十一

等都止二區

萬歷舊志

海寧州

按海寧州著名之河凡十總之則上河下河而已上河源府城之西湖自仁和上塘達長安壩東流爲二十五里塘河入州城爲市河西爲淡塘河其自許村莊婆堰東北入嘉興界者爲運塘河自市河東抵黃灣者爲六十里塘河黃灣則上下河交會處也下河源湖州德清大麻溪自莊婆堰之西北東流爲新江塘河南至胭脂涇爲郭店河東南過白璉港爲袁花河北過黃土港爲洛塘河自洛塘東北經審山紫微山間爲硤石河又東流入嘉興界

唐 長慶四年三月杭州刺史白居易作錢塘湖石記曰

自錢塘至鹽官界應溉夾河官田須放湖水入河從河入田脫或不足則更決臨平湖添注官河又有餘矣

長慶集

宋熙寧元年十月詔杭之長安秀之杉青常之望亭三堰監護使臣並以管幹河塘繫衙常同所屬令佐巡視修固以時啟閉從提舉兩浙開修河渠胡淮之請也

宋史河渠志

元祐間毛漸歷兩浙轉運副使浙西部大水漸案錢氏有國時故事起長堰至鹽官徹清水浦入于海水不爲患

宋史

毛漸傳

紹聖初鮑提刑修築長安閘壘沙羅木爲之重置陡門二後壞于兵火八年吳運使請易以石埭歲久莫詳二使者

名崇寧二年有旨易開旁民田以濬兩澳環以隄上澳九十八畝下澳百三十二畝水多則蓄于兩澳旱則決以注

開咸淳志

淳熙二年兩浙漕臣趙磻老言臨安府長安開至許村巡檢司一帶漕河淺澀請出錢米發兩岸人戶出力開濬

宋史

河渠志

紹熙元年鹽官令陳恕修築二十五里塘由縣治達長安鎮舊因河流決溢兩岸傾圯甚爲民病恕募民浚河卽以其土築岸視舊加廣一丈加高三尺以石甃之遂無崩決民號爲甘棠隄

潘景夔嘉定圖經

二年提舉張某重修長安三開

嘉定初令潘景夔請開閘旁兩澳之塞不果行

咸淳志

嘉定十五年浙西提舉劉屋言捍海古塘衝損遇大潮必盤越流注北向宜築土塘以捍所築塘址縣東近北則爲袁花塘縣西近北則爲淡塘兩處土色差勝鹹塘且各近裏未至與海潮爲敵勢當就二塘修築則可以禦鹹潮盤溢之患上以爲然

宋史河渠志

元至大間有蔣化主者建石橋于莊婆堰上長四十丈其堰開而不閉以通太湖之水大利于民至正初庸田司復置堰設車注之具六年以不便民復開

浙江通志

至元四年知海寧州李懋修瓦石堰重設車注之具

海寧縣志

至正二年庸田使司汪簽事命本州達魯噶齊瑯珠知州

張光祖修長安三閘以柏木爲之上置銳環旱則閉水則

開

嘉靖海寧縣志

七年松江上海縣民韓日升李克復捐財買地

置新堰于長安堰西爲壩車船州判官呂察圖達爾董役

將成堰旁民周某以附近田三畝拓之由是堰益增廣至

今兩爲民便

浙江通志

明 永樂二年遣通政趙居宸到縣興治水利役夫修築

十二等四都窪地圩岸兩旁樹桑柳以固其址民便之

嘉靖

海寧縣志

正統六年五月辛丑行在工部奏海寧縣請濬大東門外

官河小東門外袁花塘河北門硤石塘河城中水門及築
瓦石堰二所其請皆便民宜令農閑時委官督工修理從
之

明實錄

天順間杭州知府胡濬以海寧諸窰閘塘壩歲久圯塞躬
爲督治弛張損益各中其度

浙江通志

宏治間水利簽事伍因見海寧窰筒壅塞設王家石家等
石閘七處自拱辰門外運河一帶至臨平以蓄上河之水
民甚利賴號伍公七閘

海寧縣志下同

嘉靖己酉縣尹高尚志治縣市河

隆慶六年冬十月海寧縣重濬市河

萬歷舊志 吳遵重
濬市河記海寧縣市

河者郭內之通渠也其源由西湖達二十五里塘河自城北拱辰門外東達春熙西達安戌二水門舟楫往來脉絡條暢豈惟利商賈通貿易而一邑之文運實關焉宋元迄今日就堙塞嘉靖己酉縣尹廉泉高侯嘗一治之未幾島夷蹂躪中外戒嚴盡塞諸水門以杜奸萌小民並緣侵竊河遂成周行邑中市井蕭疎科第稀曠民病久矣隆慶壬申三月廉訪少滿徐公按部至邑諸生以請公毅然曰地利運之繫河渠猶血脉之周營衛一日闕遏斯病矣矧茲渠利厚且廣而今梗之是誠予責也乃下教曰周官川衡掌巡川澤之禁令而平其守凡犯禁者執而誅罰之茲渠之梗實由于民苟繩以周法則民大者流小者刑殆將勿堪其議舍所罰而令各分工任事興利除疾固民所樂趨也檄文月至踰數百里外無忘听夕乃命丞崔穎經其北朱廷芳理其東典史戴中疏其西覈驗成績長吏以時督察之于是縣尹良禎余侯供命惟謹丞若尉咸事其事均勞祇役善崩者甃以堅石既固者仍其宿址濬深一丈四尺廣加深十之二余侯復捐俸新三水門凡數閭月閭竣事居者寧宇行者比舟士抃民懽相與伐石徵言爲記

萬歷三十五年縣民蔣坡等呈請修泮江塘縣令郭一輪

主共役

海昌外志

祝以幽修洋江塘記

自天日而匯于其區其洪流既由若書北走而其

支東北走構李又其支東走海寧則洋江全受之邑之漕

粟數萬石歲輸官庾所必由道而士民工買上湖錢塘沿

洞下吳松橋李舳艦悉奔會焉顯水之嚙隄膠舟與舟行

之淹速勞逸皆係于塘衆人狂故常謂塘之治與不治于

河流固無恙不知牽挽之途梗將于斛之裝千指之載長

年三老即錫蹶其手足而無所川此塘之所關于河者大

也成化間當事常傷工輦石一大防治而歲久潰泊敷治

亦數圯此非獨水勢蝕也亦由瀕塘居民護其籬落若膚

髮虞塘且闕將不利我垂蔭之樞榆遂置公家利害秦越

耳乃里民將皮等勇于義慨橋梁堤岸之日就傾圯徧白

臺使者若歸司郡長願一切以身任而邑侯郭公更勸勞

而子來之不費官帑一鏹而塘以闕治其故所建三十六

橋如虹如蜺綿亘起伏而洋江之流若增而長若浴而深

矣是役也赴之自民營之亦自民業不自愛其籬落樅榆

以急公家而成之易且速如此抑可以卜異日者民之愛

其塘若自愛其籬落樅榆而不復爲沮洳蔡莽審矣乃鄉

三老更相率而造請記之以勸後不佞則謂若輩勇于義

能闢百餘年未竟之緒又不自愛其籬落樅榆以公諸四

水利

三

方往來所不知之人吾觀
于鄉而知王道之易易也

國朝 順治二年巡撫蕭起元以海寧南鍾壩填塞復行修築

浙江通志 十年十月邑令秦嘉系開疏市河又疏導六十里塘

河海寧縣志 秦嘉系濬市河記畧市河之源首自西湖

勝安橋過安成水門西出會淡塘河宋元間縣東有賦亭

驛舟相往來元末移驛長安併作水驛自此河漸埋塞後

因市房稠密始而架閣後漸填砌石岸階塞官河城水不

通嘉靖間令蔡完稍爲開濬今百餘年泥沙壅塞地脉阻

絕今嘉系力行開濬與復舊制使城市之水濬

洄流繞工始于順治十年十月甫越月而告成

康熙十四年四月居民呈請修南鍾壩巡撫陳秉直委杭

嘉兩知府確勘修築十月知縣許三禮重濬二十五里塘

及硤石袁花等河 浙江通志 許三禮濬河記余癸丑冬
杪來牧海昌適值河流淺涸舟楫難施

未幾告竭詢及里中父老僉曰寧處省會之東地獨高阜
 河道淺狹旱易乾澇易溢民間苦此甚久乙卯冬躬率分
 委率力鳩工自宣德門外開起東至袁花北至郭溪止丙
 辰秋又開自拱辰門起北至長安西至許村止民情鼓舞
 告厥成功今積雨不災久旱不涸由是湖中塘第六十里
 河源相薛家壩址開其壅塞轉西安戌門外淡塘又轉拱
 辰門外官河至高家寬竟不知澌涸于何所訪之當年瓦
 石堰高家寬舊有雲洞故跡今則移建鄭家寬下距河底
 三尺淺則存溢則出得達下河繞宜德門仍歸袁花以見
 河源通塞之故俾將來有以考述故誌之康熙十五年入
 月記陳數承開河丈尺碑海寧地高河狹天稍亢陽則
 隴滋難陳數承開河丈尺碑海寧地高河狹天稍亢陽則
 邑內頻荒苦無蓄水俟農隙而潴深之先開城壕廣二丈
 四尺深一丈二尺次及硤石塘自附城至郭店約九里廣
 二丈四尺深一丈二尺自郭店往西至朱家橋又五里廣
 三丈深一丈二尺自郭店北至斜橋計十里澗三丈深一
 丈二尺次落袁花塘至洞水橋遙二十里仍廣二丈四尺
 或三丈深一丈二尺徐及硤川袁花鎮河去汙積復舊道
 一月之內俟自督理天不再雪民皆于來不彌月爰告厥
 成迄丙辰丁巳兩年夏秋之交雨暘不時而田禾豐稔咸

侯之德也又開新塘三條自郭店至斜橋自斜橋徂西至萬興橋半屬石門縣自郭店徂東至河水橋天衢坦易其利溥哉爰請立碑判定丈尺五十七年巡撫朱軾重濬六庶後則而倣之其利萬年矣

十里塘河鹽艘民舟往來咸利

浙江通志

雍正五年巡撫李衛委湖州知府吳簡民杭防同知李飛鯤動給邑紳陳邦彥捐輸銀重濬二十五里塘河自鎮海門外弔橋起直抵長安鎮迤西至施家堰仁和縣界止七年又委吳簡民重濬硤石袁花二河一自宣德門外弔橋起由郭店至北施家橋止一自春熙門外起由教場橋至東新倉港止

浙江通志

七年濟海寧縣城內市河可通舟楫

大

清一統

志

乾隆十六年十二月巡撫永貴檄知縣劉守成重濬六十

里塘河城內市河施工未竟旋即中輟

海寧縣志永貴檄諭上河之水自

杭城艮山門流出一百里過縣東門東至黃灣入于下河
下河之水自莊婆堰流至郭店分至邑城之北折而東流
至黃灣與上河合此寧邑兩河之大概也從前兩水灌輸
居民稱便自規利者于南門下築壩使鹽販過壩索取挑
夫碩值于是上河之水不復東流船不通行民間侵佔河
流漸至淤塞然尚有支港洩入下河不致逆流近年城東
支港悉皆堵塞城東一帶新築土備塘僅留兩間七涵洞
不足宣洩應將六十里舊河相其淤塞者疏濬深通俾上
河之水仍從各支港歸入下河不致倒流並將南門之壩
拆去以承艮山門上河之水則水道流通矣再城河從前
疏濬迄今二十餘年民間堆積阻斷
並有逆流出北門者亦宜急為疏通

最關海寧之利害者三塘其選也第其緩急則海塘為尤

要上塘次之下塘又次之蓋緣地勢高阜俯視蘇湖使海

水捍禦不嚴則東南膏腴之地盡爲斥鹵邇來怒濤衝激
歲益以甚相去城河近不百步耳此利害之關於數郡者
故曰尤要上塘之水發源于杭之西山北由吳家堰東抵
長安壩以洩于運河近來西湖占塞而水之來也有限吳
家堰坍損而水之去也無節矧自許場達于縣治幾七十
里許地高河窄容蓄無幾舊志規筒十有三處澇則洩旱
則固所以節宣之也今則傾圯殆盡無復存者此利害之
關于一方者故曰次之下塘河其支有二東由袁花歷海
鹽抵白茆港以入于海北由郭店浮于蘇常由孟子河京
口閘以入于江源遠流長非大旱澇可以無慮惟近城十

餘里地名曰轉塘者河淺不足以爲容塘小不足以爲衛
涸舟沒路之患間亦不免此利害之關于一時者故又次
之

海寧水利
圖志敘

海昌水利計修治者在先審河之深淺塘之

險易與寬窄之臧否諸河硤石深九曲深莊婆堰深袁花
之東長安郭店之南皆半深運河淺二十五里河郭店之
南亦淺市河尤淺故袁花自轉塘以上長安自壩以下郭
店自鎮以下運河二十五里河皆田漕兩病所宜急浚者
也其塘則袁花固新塘固六十里塘亦固而運河塘旋築
旋決其勢險淡塘鹹塘並海尤險久遠之計不可一日輟
于懷也其寬則凌家尹千二沈千六郭馬瑞谷德洋蔡沈

方姚戈家毛家鄭家郭馬諸處勢皆完厚若莫家王仲二
朱涇寺涇姚沈丁沈梁廣嚴太師周徐馮馬諸窳俱低薄
不能無患至石家一窳則其底已水嚙之穿矣修治之急
甚于沃焦釜而莫家王仲以下皆宜勤爲培築者也伍公
七閘昔稱美善今皆廢圯王家閘亦窳甚差強者許村閘
耳夫不量民力而好爲動作者妄也視民利害安坐而不
爲興革者怠也近者尹千二朱涇以東歷梁廣方姚諸窳
方謀改易建閘在上者勤恤民隱未嘗乏人顧所當圖詎
止此乎白洋故池居水無幾黃土港東西皆爲涸轍宜深
緒而廣溉之也長水以下倭夷恒出沒于斯通邑所繫爲

吭背者設柵置_以非衣柳之土計乎煮海負鹽之徒爬塘
它徑以自便蟻穴可畏其漸可不杜乎邇塘之盜決而陰
壞者其奸可不察乎若乃著爲成規責旁近諸戶計所業
多寡通力閉塞毋相規避俾早有漑潦無潰則昔者嚴寬
鄭日休之議可舉行也

萬歷舊志

塘堰壩閘陡門笕

淡塘 在縣西嘉定間增築隄防以障潮水

咸淳志下並同

鹹塘 在縣西南一里與淡塘通

二十五里塘 自縣北至長安

運塘 自莊婆堰北崇德縣界牌起至許村西交仁和縣

界三十餘里

萬歷舊志下同

新江塘 在縣東北十里縣志作泮江塘

轉塘 亦稱迴塘在縣東北十里

海寧縣志

郭店塘 在縣北二里

舊志

洛塘 在縣北長四十里

咸淳志下同

袁花塘 在縣東長六十里

道人塘 自宣德門外起至黃山脚止亘新塘袁花塘之

中相傳龐道人所築今惟跨塘橋南鑿斷成溝溝東塘仍

聯屬

海寧縣志

新塘 卽備塘也在縣東自天妃廟東抵黃山長五十里

萬歷
舊志

按今土備塘東南直抵尖山與此不同詳見海塘志

六十里塘 在縣東黃灣長六十里

浙江通志

青松塘 在三十一都與海鹽錯壤

海寧縣志

通浦堰 在縣北五里

咸淳志

俗呼衝浦堰

浙江通志

長官堰

在縣西北二十五里卽舊義亭埭

咸淳志

按此卽長安堰也官或是安字訛今縣志又訛作長家

堰

長安新堰 卽長安壩元至元七年置在舊堰之西

海寧縣志

莊婆堰

在縣西北三十里

咸淳志

水沒堰

在郭店西二十里

浙江通志

凌家堰

在縣西北四十五里

咸淳志下並同

莫家堰

在縣西北四十七里

黃家堰

在縣西五十里

瓦石堰

瓦石堰在縣東北一里半堰東舊有劉郎堰今

廢

李六堰

在縣東五里

戚姬堰

在縣東二十五里近白彈港接道人塘

海寧縣志下並

同

十字堰

在縣東五十里東陳村

張飛壩 今作張公壩 楊灣壩 上圩壩 張宅壩

四壩俱在西北區第二分

萬歷舊志

葉公壩 在西北區第一分

楊公壩 在東南區第二分

蔓藤壩 在二十二都十三箇

浙江通志

水潭壩 在二十二都三庄洛塘向上涵洞乾隆八年鹽

道趙侗敦委分司周嘉猷勘議照舊築壩仍留涵洞以通

灌溉

海寧縣志下同

唐水壩 雙人壩 俱在洛塘

按縣志又載有運鹽壩在南門外查此係規利者私築

現以阻遏上河檄拆不應次列

南鍾壩 在二十二都四岳東岸屬海寧西岸接桐鄉界

浙江通志

長安三閘 在縣西北二十五里相傳始于唐

咸淳志

許村閘 在許村莫詳所始明天順間知府胡濬重修

浙江

通志

寺涇閘

姚沈閘

萬沈閘

舊志

按陳氏府志作范沈閘縣志載萬家閘云卽范沈閘据

陳志縣東南區有萬沈窳則閘名亦當以萬沈爲正

石家閘

石家窳閘

洪範閘

王家閘

寺涇以下是

爲伍公七閘與後寬河相錯

萬歷舊志下同

沈木閘 在東南區第二分

黃茅閘 在十六都蓄洩上河之水或以爲卽舊志王家

閘者誤

海寧縣志

黃灣閘 在縣東六十里今廢

咸淳志

濮家陡門 朱家陡門 俞家陡門 馮家陡門

濮家陡門在西北區第一分朱家俞家馮家皆在東南區

第二分

萬歷舊志

高家寬 尹家寬 王家寬 並在一都

嘉靖海寧縣志下同

戈家寬 向家寬 石家寬 並在二都

丁沈篲 周徐篲 蔡家篲 萬沈篲 梁廣篲 源牧

馬港萬歷舊志又名爲國閘浙江通志

方姚篲 姚沈篲 丁沈以下並在三都自北郭一都至

長安鎮共十三處袤延二十五里相傳邑人黃門戚袞夫

人過此見河南一帶窪下屢爲水害不能耕種教以木板

爲筒于運河之底透出下塘潑則洩旱則閉其名曰篲大

爲民便有司設篲戶常令按視修治嘉靖海寧縣志

黃仲二篲 尹千二篲 沈千六篲 郭馬涇篲 瑞谷

篲 德洋涇篲 朱涇篲 寺涇篲 蔡沈篲 嚴太師

篲 馮馬篲 毛家篲 鄭家篲 郭馬篲 黃仲以下

是爲二十七寬河首十一都東盡一都分西北東南二區
區各分三分嚴太師寬源淡塘河寺涇蔡沈二寬會倉河
丁沈萬沈梁廣三寬會孫伯山陡門尹家鄭家郭馬三寬
會郭店河黃仲二寬別出司徒涇與諸寬河同達九曲新

江下河

萬歷舊志

按萬歷志蔡沈寬下有姚沈于沈萬沈梁廣四寬嚴太師
寬下有周徐方姚二寬馮馬寬下有戈家石家二寬毛家
寬下有王家尹家二寬海寧水利圖又有芮茹寬當卽

瑞谷寬

湯朱寬

在六十里塘

浙江通志

水沒筧 在十六都長安鎮官設之外民人醵築乃上下

河交會之處

海寧縣志

萬家筧 周經筧 沈家短筧 何八筧 朱八三筧

趙玘筧 陸家筧 吳涇筧 惠因庄筧 郭菴短筧

以上雜筧附錄

浙江通志

田圩

海寧田凡九十七圩其在十二都者四十九圩在十三都者十三圩在十四都者十七圩在三十二等都者十八圩

餘皆坂田

萬歷舊志

富陽縣

按富陽跨江爲縣縣境諸水皆以江爲歸步溪自貝山東分二派入之安吳川自石坂河漩五十里入之湖洑水自湖洑山東合錦溪入之湖溪自浦陽坑巖山曲流一百八十里入之私水自於潛天目山伏流一百六十里復出地四十里入之近江之所若新浦漁浦蛇浦剡浦杜家浦東梓浦各承上游山水而陽陂湖亦合莧浦以洩於江其自江堰分流因潮盈涸而有資于溝洫者楊橫自已浦與梅梁潭而已節其上流使之宛轉周注則灌溉應無不足歟

唐 貞觀十二年令郝某開陽陂湖登封元年令李潛築

隄西至于莧浦

唐書地理志

宋 宣和四年縣令胡方開縣濠置陡門二

咸淳志下同

紹興間中人張氏于觀山廟山等渡創例賣撲渡者苦之進士謝安頤陳書于府守韓伯通爲敷奏住罷

明 洪武二十六年知縣盧仁丈量陽陂湖面計六百三

十五畝則民地科稅嗣後以湖屬官蠲免科稅又于縣西

十五里築施家塘縣東十五里築五姑塘

富陽縣志

二十七年

監生王敏等築宋家塘于縣北

浙江通志

永樂九年縣令王必

寧以杜家浦水涇塞建言修闢並於浦旁築橫泥堰

萬曆舊志

宣德十年知縣事吳堂議築春江隄隄在縣南莧浦至觀

山三百餘丈皆壘以石唐令李溶所築歲久圯至是重築

之民感其惠更名吳公隄靜志居詩話陳觀吳公隄

春江而言今名縣令吳侯重築民爲是名示不忘也按志

富春居杭上游背山面江下通錢唐潮汐往來上接衢婺

睦歙諸水會流每天風撼濤奔潰激射號爲險絕自觀山

起至覓浦橋止東西三百餘丈適當邑城之南捍潮禦浪

其需隄也尤急唐萬歲登封六年縣令李溶築隄去舊城

一百步許迄今數百餘年浪洗風淘隄因以壞漸逼城居

民日以戚宣德乙卯侯始來治茲邑顧茲頽圯慨然興懷

因與僚佐切議具詞上官得允所請會歲歉未遑也正統

四年秋穀既登專力修築經始十月八日率父老徧歷江

許驗里分肥瘠限以丈尺多寡使得人平力均于是夫匠

雲集椿石山積復親授方畧定立三級下承以椿上疊以

石布置得宜事易工省不再闕月厥工告成上堅下固儼

若天造竣事之日里父老子弟相與語曰侯之惠我富春

與昔蘇子瞻築隄西湖永惠杭民何以異乎因遂以侯姓

易隄之名徵余

文以記其顛末

天順間知府胡濬置閘縣南名胡公閘

浙江通志

嘉靖六年里民何燭捐田十畝塘二口及貲費銀兩重修

縣北烏狗塘堰澳灌田二千七百餘畝

富陽縣志

萬歷間令喻效龍以湖山礮旁之支下壩久為積水所壞

親詣本所督令得水之民量田出費捐助下砌以石上築

以土遂免旱澇之患

浙江通志

國朝 康熙元年知縣朱永盛開浚東門慶春河

富陽縣志

五年修

築陽陂湖隄二十二年重濬

大清一統志

馬翀重修陽陂湖隄開記吾里

有陽陂湖者唐貞觀間邑令郝硃所開以蓄水也并造東西兩閘延袤六里許其水溉田萬餘頃登封間邑令李濬以水不障則難積乃為之築隄貞元間邑令鄭早以隄不高則易瀉又為之增益焉由是歲雖旱不為患明初邑令

盧仁丈其中之齡者六百餘畝民多請佃今所謂湖田是也里人以害稼力爭得蓄水如故嗣後數百年來遇旱輒涸歲月既久漸成汚萊余居里中目擊而心傷之康熙五年偕邵子旭如請于邑令徐侯啟業詳委邑丞趙崧勘隄之形勢而修焉自後隄既堅固湖水滿盈旱不為災田成膏腴今又二十年所向之補者培者傾圯如舊東西兩閘或陷或漏雖暫修葺終非經久之策乙丑春余復以其事達于今令錢侯侯奮然色喜單騎詣湖上周行相視呼傍湖之父老諭以修之法聞低者加之使高隄狹者築之使廣湖淺者濬之使深佃戶出工產戶輸值計畝不足則設法捐助溫顏欸語如家人父子聚而觀聽者忘其為邑宰也侯又以為東作伊始難于倅役須至秋冬水涸告厥成事且命近湖之老成者管攝隄閘防盜水遏畜踐詳示佔佃勒石而永禁之錢侯太倉人名晉錫字方來也記之日康熙乙丑孟夏二十年里人邵士莊築偃虹隄于盆口溪上長

亘幾里又邵莊築普濟堰以溉新橋坂田

富陽縣志莊普濟堰記富邵

春北郭十里過上新橋至大坂田將萬頃居民耕耨其中無深濶大溪以資灌溉所恃者堰也堰據泉塘坂東其水

一自開化白昇南流一自臨湖周公塢東下水勢洶洶頗
易盈涸溢則下田均沒決則高田盡槁明嘉靖初里民何
爵等捐貲修砌成此小堰享其利者百餘年歷久圯裂余
每過此惻惻焉爰集匠氏卽于小堰下流輦山石溝澗壑
爲費若干緡出自獨任而壅者疏浚者浚傾者層而甃缺
者甃而補卓然以立湛然以深名曰普濟蓋其所溉廣也
厚凡三百尺高二十尺上闊百二十尺下闊百五十尺猶
念善始者必期善終更募居民歲時經理置田若干畝充
工食備補葺予以綿歲月而防暴漲工旣竣
父老集而環觀焉咸謂普濟之利靡有窮也

雍正七年總督李衛委富陽知縣朱永齡開濬城內并北

門外一帶河道城外西北建壩閘一座以蓄湖水

浙江通志

富陽十鄉挈其要領惟洋漲諸沙稱沃土其餘若章村最
窄最多變源溪最瘠燕子湖戴湖最窪偃松航渚法門最
悍麗山最頑然皆莫若塔堰閘孫浦閘湖山礪最重矣夫

塔堰當洪流下衝民所係命際于吳橋非費數百十金爲
高岸廣渠水不得疾走潰冒震盪可爲戰栗日者邑中父
老額憲司議修築而不便者陰寢滅之滋害長姦莫踰于
此所當急爲建監者也孫浦溉田踰五千畝衆業仰溉計
莫若堅築便廼卑卑浮甃卽葺茨未易圯矣官所費百金
奚用哉是必有爲之乾沒者藉令一會計之亦供役一大
助也湖山碁之灌注自善政達儀鳳至遠也計直百金責
之羣力至易辦也顧逡巡推避坐愒歲月求一勞永逸不
可得矣鼓舞勸相其責不在上耶

萬歷舊志

富陽跨江爲邑羣

山糾紛濱江者時虞漂沒居山者時虞曠乾辛亥之旱禾

苗盡槁民苦無食壬戌之水邑城未沒者不逮一版民幾
爲魚論地利而至富陽誠高卑俱困者也然昔爲隄爲塘
爲堰爲閘者成績具在故趾可稽孰者察其至重先爲經
畫孰者別其稍輕時加修治洩斯土與生斯土者尚其爲
未雨之綢繆乎

舊志

塘隄堰礮澳壩閘

陽陂塘 在臨湖里溉田一萬餘頃濶九頃

咸淳志下同

木瓜塘 在臨湖里溉田五百餘頃

烏狗塘 在臨湖里張明府君廟前長七百二十丈溉田

一千二百頃又名無垢塘

富陽縣志

清慈塘 在張明府君廟側約濶一丈五尺長四十餘丈

溉田七百餘畝 咸淳志

宋家塘 在白昇村周一百八十二丈五尺廣四十七丈

五尺置東西二閘每閘長五丈四尺高一丈五尺灌白昇

田 萬歷舊志

朱林塘 在春明里約一角五十六步孫彥等修溉田三

十餘畝 咸淳志

施家塘 在靈泉南山下洪武時官築灌高坂田 萬歷舊志下同

五姑塘 在麗景村洪武時官築灌寺家塢田

吳公隄 宣德舊志名春江隄在縣南臨江吳堂為縣時

重築民感其惠遂以名隄

富陽縣志

偃虹隄

在縣北三十里溪流深澗水潦病涉康熙二十

年築隄狀如偃虹故名

浙江通志

凌皓堰

水自殊尤而來灌大塢田

萬歷舊志下同

楊橫堰

水自江堰而來灌江口田右俱在春明里

長泉堰

濶四尺深四尺東西兩岸各有小浦各有車水

澳灌田四千餘畝

咸淳志下同

杜家堰

又名松元堰溉田二百餘畝

陶溪堰

黃溪自楸樹來二十里爲陶溪堰灌乾坑田又

一里爲杜公堰灌乾口坂田又一里爲長泉堰灌橫山田

萬歷舊志下同

陳塘堰 承沙坑之水灌大豕田右俱在安辰里

黃鶯堰 溉田三百餘畝咸淳志

潭堰 黃鶯溪自分金來五里為黃鶯堰灌黃坂田又二

里為潭堰灌比例坂田萬歷舊志

東泰堰 溉田二百餘畝咸淳志

黃山堰 去陳塘堰三里為東泰堰灌溪西田又三里為

黃山堰灌宋村田萬歷舊志右俱在長壽里富陽縣志

石嶺堰 溉田一百餘畝咸淳志

青山堰 溉田二百餘畝

按長壽里舊志亦載有青山堰前後互見蓋以堰當兩里界耳今專列于此

涌泉堰

溉田五十餘畝

咸淳志

俗名滴水堰

富陽縣志

應墓堰

又云應家堰溉田二百餘畝

咸淳志下並同

朱壩堰

溉田二百餘畝

風溪堰

溉田四十餘畝

梓堰

溉田二百餘畝

太公堰

溉田三十餘畝

後步堰

溉田二十餘畝

烏枝堰

溉田四十餘畝

豐溪自峽嶺而來一里爲烏

枝堰灌李村田又二里爲後步堰灌安頭田又二里爲太
公堰灌伍子田又二里爲梓堰灌邵村田又二里爲風溪
堰一里爲朱壩堰一里爲應墓堰灌高坂田又一里爲湧
泉堰一里爲青山堰一里爲石嶺堰灌橫塘田萬歷舊志右俱
在白昇里舊志

麻車堰 溉田一百餘畝咸淳志自馬山下堰三里爲麻車

堰灌上臨湖田萬歷舊志在臨湖里舊志

烏枝堰 溉田三百餘畝咸淳志

按各志皆有兩烏枝堰其里與受水灌田皆不同通志

刪其一似非

開堰 大山堰 馬山下堰 三堰各溉田二百餘畝咸淳

志私水自桃源而來十里爲烏枝堰灌觀前田自烏枝分

者爲開堰灌寺前田烏枝又二里爲大山堰灌寺北田又

二里爲馬山下堰灌寺東田萬歷舊志馬山堰今名唐山堰富陽

縣志烏枝等四堰其水一自湖南山而南流一自臨湖村而

西下遞南者恐其奔迅而無防則障以烏枝堰自東者浸

淫幾十里又懼長流而不返也故築大山馬山下二堰以

遏其東奔之勢田禾資四堰之水利者不下二千畝浙江通志

右俱在惠愛里舊志

徐埭堰 又云徐袋溉田二千餘畝咸淳志

彈堰 溉田二百餘畝 萬齡之水自栢枝而來十二里

爲徐埭堰灌裏山田又十里爲彈堰灌檀樹坂田

萬歷舊志

普濟堰 開化里人邵嘉捐貲築溉新舊坂田二千七百

餘畝

浙江通志

右俱在馴雉里

舊志

長泉堰 小交水自下山而來十里爲是堰灌新店田

萬歷

舊志在祥風里

舊志

武婆堰 又云武溪堰溉田四十餘畝

咸淳志下並同

橫河堰 溉田二百餘畝

店弄堰 溉田一百餘畝

河塘堰 溉田四千餘畝

罟山潘堰 溉田一千餘畝 里山之水自東菴而來十

里爲武溪堰又各一里爲以下四堰灌倪吳二村黃梅青

山雞籠田

萬歷舊志

右俱在麗景里

舊志

橫泥堰 在縣東十餘里舊因水壞明永樂時知縣王必

寧修築

浙江通志

按此堰未詳其里

青山堰 塔堰 大堰 戴家堰 屠家堰 小橫堰

橫堰 張家堰 安吳川自石坂而來二十二里爲青山

堰灌紫霄宮田又八里爲塔堰灌東山田又二里爲大堰

灌亭子坂田又二里爲戴家堰灌謝坂田又二里爲屠家

堰灌石板塘坂田又自大堰二里爲小橫堰灌下塘坂田

又一里爲橫堰一里爲張家堰灌法門南田萬歷舊志

石堰 溉田一千畝咸淳志下同

裘堰 溉田二百餘畝

舊楊堰 吳橋堰 自塔堰東一里爲石堰灌曹公澳田

又一里爲裘堰灌東莊小源二坂田又一里爲舊楊堰灌

水田坂田又一里爲吳橋堰灌千家坂田萬歷舊志

路堰 溉田三百餘畝咸淳志下同

月程堰 溉田四十餘畝

潘塘堰 溉田五百畝

甲堰 溉田四百餘畝

瓦竈堰 溉田三百餘畝

人盤堰 溉田五百畝

孫漁堰 東枝堰 溉田二百畝

下路堰 溉田三百畝

石佛堰 溉田八百餘畝

上枝堰 溉田三百餘畝 路堰而下灌田未詳

萬歷舊志下同

前溪堰 漁浦之水自朱坑岡來七里爲是堰灌前坂田

右俱在大源里

閘堰 重塘堰 黃毛堰 已上三堰東接鎮橋西接黃

毛堰南接黃堰北接大江溉田二千畝

咸淳志下同

烏塘堰 溉田五百餘畝

塘子堰 四溪自小石山來四里爲塘子堰灌塘子坂田

又三里爲重塘堰灌應家坂田

萬歷舊志右俱在望仙里

舊志

按萬歷志旣以塘子重塘並載又以重塘堰列開堰黃

毛堰間縣志所云重塘一里兩見也今依縣志開堰烏

塘堰舊縣志皆失載今補入

謝塘堰 閘塘堰 又云專塘堰

咸淳志下同

西了堰 溉田一千畝

浦裏堰 溉田五百餘畝

上壩堰 溉田四百餘畝

下壩堰 溉田二百畝

小謝湖堰 溉田二千餘畝 安吳川自大源屠家堰三

里爲謝塘堰灌雲池坂田又一里爲闢塘堰一里爲西了

堰灌張家坂田又三里爲浦裏堰二里爲上壩堰三里爲

小謝湖堰灌外沙坂田又一里爲下壩堰灌李村田

萬歷舊志

右俱在江陰里

舊志

羅漢山溪堰 上接屠山里界下通江其溪約洄五尺深

三尺作十三處車戽溉田二百餘畝

咸淳志

東梓浦之水自

青草而來十里爲是堰灌烏橋坂田

萬歷舊志

在感化里

舊志

湖山礮 在善政里溉田二千餘畝 咸淳志 約廣二里波光

蕩漾出自天成有灌溉之利無疏鑿之勞水利之最渥者

也去湖三里有長川湖嶺在其左陸石坎在其右南抵黃

天宕北至大佛山源流浩浩故厚築安禾支下二壩以殺

其水勢 浙江通志

溪東澳 廟前澳 過橫溪壩為溪東澳灌溪二坂田為

廟前澳灌廟前馬山二坂田俱在儀鳳里 萬歷舊志

桑壩 俗名聚壩 富陽縣志

寺壩 蛇浦之水自下大山來二里為桑壩又二里為寺

壩灌放集田俱在祥風里 萬歷舊志

白石壩

溉田二千餘畝

咸淳志

笋壩

溉田三百餘頃

剡浦之水自龍山來二十七里

爲白石堰灌龍門大橋坂田又十里爲笋壩灌環山田俱

在慶護里

萬歷舊志

橫溪壩

在儀鳳里溉田三千餘畝

咸淳志

自白石堰別分

爲橫溪壩灌大塘田

萬歷舊志

臧村壩

梅洲壩

梅樣壩

臧村溉田二百畝梅洲溉

田七十餘畝梅樣溉田三百餘畝俱在棲鶴里

咸淳志下同

安和壩

支下壩

安和灌田七百餘畝支下溉田三百

餘畝俱在善政里

湖泐水自金沙而來十四里爲臧村

壩灌下圩田又四里爲梅州壩灌萬春田又二里爲梅樣

壩灌橫里田又十里爲安禾壩灌安禾坂田又二里爲支

下壩灌西坂田又二里爲湖山礮灌高田坂田

萬歷舊志

徐岱閘 在惠愛里灌水入湖南浦由馴雉里出溉田二

百餘畝

富陽縣志

塔堰閘 詳見萬歷府志總論

孫浦閘 新浦水自白石而來十里爲是閘灌直塘等坂

田在太平望仙二里

萬歷舊志

胡公閘 在縣南臨江明天順間知府胡溶置

浙江通志

田圩

富陽縣田多不著圩名但以江陽江陰江左江右判之多

寡不等

萬歷舊志

杭州府志卷四十一終